


CAP. VIII.

De gradibus tribus in motu augmentationis & incrementi inter aerem ſimplicem & corpora meteorologica ſeu imperfecte miſta, & de ratione mathematica eorum.

VLtimo præcedentis libelli capitulo declaratum habetis, quod de nihilo ſeu hylæ gremio facta fit progreſſio, per lucis emanationem ad vnitatem, cuius reuelatione & alia vnitatis potentialis eſt producta, ei diſpoſitione oppoſita, videlicet tenebræ, vnde à monade ad diadem, & à diade ad triadem, per ſpiritus humidi introductionem & productionem, ab his duabus, vtpote qui eſt gluten, ambo extrema ſimul tanquam animam cum corpore coniungens, ac tandem horum omnium ad numerum quaternarium, ad mundi ſimplicis complementum fit progreſſio ad quatuor, elementa ab inuicem differentia in actum producens, quæ mixtorum omnium ſunt initia proxima, non aliter quam in geometria ſuperficiæ quadratæ ſunt corporis cubici principia immediata, quem quidem ordinem arithmetice ſic depinximus.



†. Tenebræ abſolutæ. a. Lux prima creatura. b. Prima mixtio lucis cum tenebris. c. Lux. d. Aqua 2. Tenebræ ſeu ſecundus compositionis ſimplicis gradus. e. Ignis. f. Aer. g. e. Aqua: 4. Terra: Radix. 2. Quadratum. 4.

Vbi numerus binarius eſt radix materialis, ex qua primum quadratum. 4. elementa indicans deriuatur, Ita etiam in corporum perfecte mixtorum productione totidem gradus interſunt, in motu naturæ, à quadrato ſeu 4. elementis, ad cubum ſeu elementatum perfecte miſtum, qui omnes gradus corpora imperfecte miſta reuera ſunt dicenda, vtpote qui à ſimplicitate elementorum mixtionem verſus progrediuntur, progreſſio igitur à quadrato ad cubum eſt huiusmodi.